



Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018

## Maschinganna

Unu pastori una noti fiat andendu a pasci su bestiàmìni, candu at biu pesendusi-ndi de terra una grandu columna. Cantu prus issu dda castiàt, cantu prus cudda si ndi pesàt.

Su pastori iat pentzau sùbitu ca cussu fiat maschinganna e mancai fessit timendu iat sighiu a caminai, finzas a candu iat tocau su celu e poi dd'at bida calendi e sparessi comentì sa nébida.

Su pastori at sighiu a camimai e naràt: “mancai tui ti bollast arriri de mei, non m'as a biri torrendu agoa”.

A unu certu puntu, at biu in terra una bella pipa, sùbitu at pentzau ca cussa fiat maschinganna e s'est fatu coràgiu e dd'at pigada. Candu dda portàt in manu castiendi-dda, sa pipa s'est segada a arrogus e sartendu a giru s'est furriada in framas.

Apustis custas si funt arriunias e ant fromau nu grandu fogu. Su pastori s'est fuii ma su fogu dd'at sighiu e s'est biu totu ingiriau de fogu. Intendiat su fogu in pitzus ma no dd'abruxat. Una sola cosa ddu podiat sarvai e at nau: “Nostra Sennora mia!” A custus fueddus, su fogu est sparèssiu è issu est abarrau sanu e salbu, ma no at sighiu andai innantis.

## Su maracu de Santa Battroilla.

De meda in sa bidde de Donnigala fadiant sa festa de Santa Battroilla. A su merì, comentì fadiant sempri, is pitzinnus e is pitzinnas fiant ballendi e su sonadori fiat sonadori de launeddas. Commentì fiant baddendu est passau su gummuigae; nemus de custus s'est ingenugau e ant sighiu a baddai. Intzaras Santa Battroilla po ddus castigai ddus at fatus furriai a perdas totus in paris cun su sonadori de launeddas.